

北京圖書館 編

北京圖書館藏珍本
年譜叢刊



第 189 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 189 冊

第一八九冊目錄

抑齋自述七種之一・浮生夢影……………	一
抑齋自述七種之二・河朔前塵……………	一五三
抑齋自述七種之三・燕豫萍踪……………	三四七
抑齋自述七種之四・民國閑人……………	五二五


浮生夢影序

河南爲華夏中樞自二程子以來千有餘年碩儒輩出
至於今勿絕往者倭文端公李文清公比肩於朝各有
日記一言一行乃至舉心動念皆筆之無遺以自勘驗
且供師友之評騭一時士大夫聞風興起效其所爲曾
文正公至自易其字曰滌生發憤砥礪遂成中興之業
儒者誠中形外所成就者如是其宏也 文肅於民國十
一年承建德周緝之先生招橐筆於天津啟新洋灰公
司得見協理王筱汀先生先生通才積學教授鄉里有
年復歷主孟縣禹州講席與同里李敏修先生齊名項

城袁大總統退居河南時特相引重項城再出民國肇
建先生與有力焉顧先生澹於榮利口不言功一爲參
政旋卽退隱津沽不復出啟新洋灰公司爲北方實業
之冠卽自清季股東會成立首舉周緝之先生爲總理
先生爲協理先生與緝之先生翕力協謀一以忠信誠
篤爲工商倡大利旣興礦業棉業瓷業電業亦霧霽雲
湧大河以北東海之濱遂以製造土宜與歐美抗顏行
世之談者往往以子貢貨殖爲先生美顧雅非先生志
比以年高杜門卻掃斗室中書史外無他物嘗爲清鑑
若干卷崇論閎議接迹唐鑑其前編先已印行又取其


昔年日記排比整理先之以世系參之以聞見既成授
文肅使釐正焉受而讀之始知日記乃豫省學者相承
之家法凡有志聖賢之學者皆有之不獨倭李爲然也
先生所記不僅自身之一言一行凡先代之遺型鄉先
哲之故事推而至於一鄉一國舉六十年來所躬親而
目擊者皆爲之記更分年編次刪繁補闕易其名曰浮
生夢影蓋視倭文端李文清之日記範圍尤廣矣先生
此編豈徒學者當奉爲圭臬異日海內承平徵文考獻
者皆將有賴於斯敬識數言以誌欽仰

中華民國二十有二年孟夏之月浙西徐文肅謹序



自述

生既無益於時死何必留名於後顧有所竊竊然慮者
鄙人幼嘗讀書薄負鄉曲之譽遭逢亂世間與當代大
人先生遊搖唇鼓舌頗預時議老而習賈幸不顛墜他
日兒孫以私愛其親之故或乞銘志於文學士而文學
士各以其意中之經濟家實業家藻繪無鹽刻畫嫫母
而鄙人之真形實狀或遂汨沒於此綺麗文字中亦一
憾也老病初愈因取當日考卷履歷擴充附益之附以
年曆以告我子孫俾以就正於
識我者汲縣王錫彤識



浮生夢影卷一

王氏魏晉而後稱郡望者率以琅琊太原爲兩大族皆謂出於子晉汲郡之王則謂出於王子比干顧莊子稱述王駘魯人也與孔子同時又盛推王倪則唐堯時人似王氏亦早有者且秦楚七國之裔皆稱王子王孫田氏之後旣稱王家嬴半諸宗亦當不異沿及漢唐迺有賜姓王武俊王庭湊出自胡人王建偏裨胥列王宗血族之統遂不可究詰逮遼金元子孫亦復以王爲氏昔厠北京間壁滿人自叙老姓爲王余聞之愕然譜牒之學至此真窮矣昔郭崇韜拜汾陽之墓世人笑之狄青

不敢認狄梁公君子美之吾家雖居殷墟胡敢自附比
干則亦述其所知者而已

錫彤

先大人所賜名也初名壽彤嗣以河南布政使有名
傳壽彤者遂改壽爲錫字小汀則友人張幼韶所贈
彤年十二隨先大人延津讀書幼韶之尊人伯韶
公與先大人莫逆幼韶長余數歲余曾持扇索書
因緣兩家尊人之字字余曰小汀未五年先大人
見背余以此字爲先大人所知遂遵用之

河南衛輝府汲縣人

河南地勢平衍自古龍爭虎鬪之場衛輝府本元之
衛輝路合衛州輝州以名之者汲縣則冀州之野也
歷夏商周秦唐宋皆濱臨大河最受水害且因水而
得兵害其著者牧野之師血流漂杵熒澤之敗僅餘
七百項羽以渡河立勳光武以河內成業曹操袁紹
官渡上下結雌雄之局陵夷以至晉季兩河爲入王
同室之鬪而石勒慕容冉閔姚萇與南朝桓溫劉裕
輩互角逐於滑臺枋頭於是北呼南爲島夷南鄙北
爲索虜生民之禍亟矣南北方一而尉遲迴以漳水
興戎李密以黎陽創霸逮安祿山范陽一呼河朔三

鎮稱虎狼區者數百年李亞子夾河百戰誅滅朱梁
實啟契丹南侵之漸宋不能支至放河北流以沮洳
阻戎足又養馬河北列置牧場吾縣之馬市街其遺
影也而衛州舊治既圯於水因就馬市而移治焉此
皆鄉邦之掌故而實汲民之痛史金元而後流亡罄
盡耗矣哀哉洪洞遷民來實此土不惟太公棘津之
緒餘斬焉漸滅康叔武公之舊治亦付之夕陽明滅
間而已自大河南徙衛水一綫爲北方運輸之最長
者居肆殷闐漸爲北方之重而有清一代以此爲西
大道郵傳所經差繁徭重每一軍興輒破若干民產

土瘠農惰有由來矣惟是山川綺麗民風樸拙好義氣重然諾敦重孝友崇尚英雄屢屆凶荒寧餓死不作賊亦民性一奇也

舊居府城西關鹽店街

衛水自蘇門來逕吾縣而東蝸居西北兩面皆臨水風日清和波流如鏡西挹太行聳青疊翠長蘆鹽商由天津運鹽來泊於此轉車運於河南開封及河北懷慶各屬故吾街之民多爲鹽商執役得錢旣易讀書人遂少余嘗因鹽商之侈欲改街名爲沿淀然里門授徒計十年所教多鹽商子弟修脯仍由鹽來街

名固未能易也

始祖

譜牒失不能詳相傳自山西洪洞遷汲亦無一考據之處第以吾汲之語言徵之讀王莊若吳莊讀郭全屯若觀音屯例以平陽府之士音十得八九而吾家獨有一異趣近處許多王氏皆不叙宗如王霜崖先生與先祖同時至好又同居一里截然非宗也大姑母適王氏先叔母娶王氏皆不以爲嫌從堂姪孫國楨曾爲余言渠幼時有自山東宦遊回里者來叙宗族先祖考斷然不認客流涕以去想此中必具

有淵源矣

六世祖

諱

得爵

牌位書應贈昭信校尉似

太高祖在河北鎮轅門

千總時以當得之封贈言者

六世祖妣氏張

太高祖

諱

召臣

字

諫廷

牌位書誥授武略將軍而不言其官以舊縣志考之

有河北鎮轅門千總之名

先大母葬時

先君子

命書銜牌有賞戴藍翎四品頂戴王祿營候推守府

此當爲公由千總轉守備之官其餘不可知矣所得

之傳述者先大姑母謂吾家舊宅卽公之衙署此當在轅門千總時就家爲署也又鄰里言當時長蘆鹽三百斤爲一包公能兩手提兩鹽包擲人有王老虎之名又家傳一舊腰刀云可辟魔公誅賊武器也光緒年間叔父向余索去售與一任姓至今贖不還哀哉子孫不肖祖宗之勲業不能知並其手澤摩挲所在亦易米食之胡以對祖宗於九原耶

太高祖妣氏郭

太高祖妣氏朱

按太高祖兄弟二人公居叔伯氏房卽從姪孫國